

全
唐
詩

全

唐

詩

全唐詩目 第二函

第十冊

儲光義

四卷

王昌齡

四卷

常建

一卷

杜顥

李疑

崔巨

蔣維翰

萬楚

范朝

楊顏

王諲

王岳靈

周萬

共一卷

陶翰

一卷

訓錄

卷之

一

上

卷

一

上

卷

一

全唐詩

儲光義

儲光義兗州人登開元中進士第又詔中書試文章歷
監察御史祿山亂後坐陷賊貶官集七十卷今編詩四
卷

述韋昭應畫犀牛

遐方獻文犀萬里隨南金大邦柔遠人以之居山林食
棘無秋冬絕流無淺深雙角前嶄嶄三蹄下駸駸朝賢
壯其容未能辨其音有我衰鳥一作哀鳥郎新邑長鳴琴陛
閣飛嘉聲丘甸盈仁心閑居命國工作繪北堂陰耽耽
若有神庶比來儀禽昔有舞天庭爲君奏龍吟

獻王威儀

入與真主言有一作又騎天馬來但有華清宮不用神明臺
肅肅長自閑門靜無人開

野田黃雀行

嘖嘖野田雀不知軀體微閑穿深蒿一作叢裏爭食復爭飛
窮老一顏一作牘舍棗多桑樹稀無棗猶可一作亦何食無桑何以
衣蕭條空倉暮相引時來歸斜路豈不捷一作棲渚田豈不
肥水長路且壞一作變惻惻與心違

樵父詞

山北饒朽木山南多枯枝枯枝作採薪爨室私自知
詰朝礪斧尋視暮行歌歸先雪隱薜荔迎暄臥茅茨清澗

日濯足喬木時曝衣終年登險阻不復憂安危
薄漾與神遊莫知是與非

漁父詞

澤魚好鳴水溪魚好上流漁梁不得意下渚潛垂釣
亂荇時礙楫新蘆復隱舟靜言念終始安坐看沈浮
素髮隨風揚遠心與雲遊逆浪還極浦信潮下滄洲
非爲徇形役所樂在行休

牧童詞

不言牧田遠不道牧陂深所念牛馴擾不亂牧童心
圓笠覆我首長簑披我襟方將憂暑雨亦以懼寒陰
大牛隱層坂小牛穿近林同類相鼓舞觸物成謳吟
取樂須臾

史間寧問聲與音

采蓮詞

淺渚荇

一作荷

花繁深潭菱

一作塘菱

葉疎獨往方自得

一作獲

恥邀淇

上姝廣江無術阡大澤

一作羅

絕方隅浪中海童語流下鮫

人居春鴈

一作荻

時隱舟新萍復滿湖采采乘日暮不思賢

與愚

採菱詞

濁水菱葉肥清水菱葉鮮義不遊濁水志士多苦言潮
沒具區藪潦深雲夢田朝隨北風去暮逐南風旋浦口
多漁家相與邀我船飯稻以終日菱蕞一作蕞將永年方冬
水物窮又欲休山樊盡室相隨從所貴無憂患

射雉詞

曝暄理新翳迎春射鳴雉原田遙一色皐陸曠千里遙
聞咿喔聲時見雙飛起纂歷疎蒿下培𪔐深叢一作麥裏顧
敵已一作仍忘生爭雄方決死仁心貴勇義豈能復傷此超
遙下故墟迢遞回高時一作軌大夫昔何苦取笑歡妻子

猛虎詞

寒亦不憂雪飢亦不食人人肉一作血豈不甘所惡傷明神
太室爲我宅孟門爲我隣百獸爲我膳五龍爲我賓蒙
一作纂馬一作纂一何威浮江一作亦以仁彩章耀朝日爪牙雄武臣
高雲逐氣浮厚地隨聲震君能賈餘勇日夕長相親

渭橋北亭作

停車渭陽

一作橋

暮望望入秦京不見鷁鸞道如聞歌吹聲

鄉魂涉江水客路指蒲城獨有故樓月今來亭上明

述華清宮五首

天寶六載冬十月皇帝如驪山溫泉宮宮其宮曰華清

上在蓬萊宮莫若居華清朝朝禮玄閣日日聞體輕大
聖不私已精禋爲羣氓

上出蓬萊時六龍儼齊首長道舒羽儀彤雲暎前後天
聲殷宇宙真氣到林藪

昔在軒轅朝五城十二樓今我神泉宮獨在驪山陬羣
方趨順動百辟隨天遊

正月開陽和通門緝元化穆穆睟容歸豈爲明燈夜高
山大風起肅肅隨龍駕

上林神君宮此地即明庭山開鴻濛色天轉招搖星三
雪報大有孰爲一作非我靈

雜詠五首

石子松

盤石青巖下松生盤石中冬春無異色朝暮有清風五
鬣何人采西山舊雨童

架簷藤

得從軒牕下殊勝松柏林生枝逐架遠吐葉向門深何
許答君子簷間朝暝陰

池邊鶴

舞鶴傍池邊水清毛羽鮮立如依岼雪飛似向池泉江

海雖言曠無如君子前

釣魚灣

垂釣綠灣春
春深杏花亂
潭清疑水淺
荷動知魚散
日暮待情人
維舟綠楊岸

幽人居

幽人下山徑
去去夾_{一作來}青林
滑處莓苔濕
暗中蘿薜深
春朝煙雨散
猶帶浮雲陰

題太玄觀

門外車馬喧
門裏宮殿清
彷彿_即翳若木
坐即吹玉笙
所喧既非我真
道其冥冥

至嵩陽觀觀即天皇故宅

真人上清室乃在中峰前花霧生玉井電裳畫列仙念
茲宮故宇多此地新泉松柏有清陰薜蘿亦自妍一聞
步虛子又話逍遙篇忽若在雲漢風中意泠然

貽韋鍊師

精思莫知日意靜如空虛三鳥自來去九光遙卷舒新
池近天井玉宇停雲車余亦苦山路洗心祈道書

霽後貽馬十二翼

高天風雨散清氣在園林況我夜初靜當軒鳴綠琴雲
開北堂月庭滿南山陰不見長裾者空歌遊子吟

題陸山人樓

暮聲雜初鴈夜色涵早秋獨見海中月照君池上樓山

雲拂高棟天漢入雲流不惜朝光滿其如千里遊

一作愁

獻八舅東歸

高位莫能捨捨之世所賢雲車遊日華豈比龍樓前寢疾乃就枕情感唯靈仙帝鴻思道宗臣彭亦長年天書加羽服又許歸東川鏡水涵太清禹山朝上玄誠亡真混沌玉立方嬋娟素業作仙居子孫當自傳門多松柏樹篋有逍遙篇獨往不可羣滄海成桑田

泛茅山東溪

清晨登仙峰峰遠行未極江海霽初景草木含新色而我任天和此時聊動息望鄉白雲裏發棹清溪側松柏生深山無心自貝直

契茗粥作

當晝暑氣盛鳥雀靜不飛念君高梧陰復解山中衣數
片遠雲度曾不蔽炎暉淹留膳茶粥共我飯蕨薇敝廬
旣不遠日暮徐徐歸

遊茅山五首

十年別鄉縣西去入皇州此意在觀國不言空遠遊九
衢平若水利往無來作輕舟北洛反初路東江還故丘春

一作青

山多秀木碧澗盡清流不見子桑扈當從方外求

世業傳儒行行成非不榮其如懷獨善況以聞長生家
近華陽洞早年深此情中車雲路入理棹瑤溪行天地
朝光滿江山春色明王庭有軒冕此日方知輕

平生非作者望古懷清芬心以道爲際行將時不羣茲
山在八境靈貺久傳聞遠勢一峰出一作近形千嶂分冬
春有茂草朝暮多鮮雲此去亦何極但言西日曛
昔賢居柱下今我去人間良以直心曠兼之外視閑垂
綸非釣國好學異希顏落日登高嶼悠然望遠山溪流
碧水去雲帶清陰還想見中林士巖扉長一作久不關
名嶽徵仙事清都訪道書山門入松柏天路涵一作極空虛
南極見朝采一作爽西潭聞夜漁遠心尚雲宿浪跡出林居
爲已有實際忘形同化初此行良已矣不樂復何如

述降聖觀

天寶七載十二月二日玄宗皇帝降於朝元閣改爲降聖閣

一山盡天苑一峰開道宮
道花飛羽衛天鳥遊雲空玉

殿俯玄水春旗搖素風夾門小松柏覆井新梧桐自昔
大仙下乃知元化功神皇作桂館此意與天通

題眇上人禪居

真王清淨子燕居復行心結宇鄰居邑寤言非遠尋丹
青文室滿草樹一庭深秀色玄冬發交枝白日陰江流
映朱戶山鳥鳴香林獨住已寂寂安知浮與沈

過新豐道中

西下長樂坂東入新豐道雨多車馬稀道上生秋草太
陰蔽臯陸莫知晚與早雷雨杳冥冥川谷漫浩浩詔書

植嘉木

二十八年
有嘉植果

衆言桃李好自媿

一作

無此客歸從漢陰老

夜到洛口入黃河